

華陽國志卷之三

晉散騎常侍導江常

璩道將撰

明姑孰古繁李一公閣生

甫考訂

滇昆明

苗裔昌心印甫

關中

胡希舜願玄甫

雲間

朱長芳幼馨甫

楚晴川

王 珍章甫父

南州

李曰輔元卿甫全梓

關中後學胡廷器含素甫校
成部後學賀登瀛南之甫

蜀志

蜀之為國肇於人皇與巴同囿至黃帝為其子昌
意娶蜀山氏之女生子高陽是為帝嚳封其支
庶於蜀世為侯伯歷夏商周武王伐紂蜀與焉
其地東接於巴南接於越北與秦分西奄峨嵋
地稱天府原曰華陽故其精靈則井絡垂耀江
漢遵流河圖括地象曰岷山之下為井絡帝以
會昌神以建福夏書曰岷山導江東別為沱泉
源深盛為四瀆之首而分為九江其實則有璧
五金銀珠碧銅鐵鉛錫赭堊錦繡麝鼈犀象氈
旄丹黃空青桑漆麻紵之饒滇獠實楚僮僕六
百之富其卦值坤故多斑綵文章其辰值未故
尚滋味德在少昊故好辛香星應與鬼故君子
精敏小人鬼黠與秦同分故多悍勇在詩文王
之化被乎江漢之域秦豳同詠故有夏聲也
其山林川澤園囿果瓜四節代熟靡不有焉
有周之世限以秦巴雖奉王職不得與春秋盟會
若長莫同書軌

周失綱紀蜀先稱王有蜀侯蠶叢其目縱始稱王

死作石棺石槨國人從之故俗以石棺槨為縱目人家也

次王曰栢灌次王曰魚鳧魚鳧王田於湔山忽得仙道蜀人思之為立祠

後有王曰杜宇教民務農一號杜主時朱提有梁氏女利遊江源宇悅之納以為妃移治郫邑或治瞿上

七國稱王杜宇稱帝號曰望帝更名蒲卑自以功德高諸王乃以褒斜為前門熊耳靈關為後戶

玉壘峨岷為城郭江潛綿洛為池澤以汶山為畜牧南中為苑囿會有水災其相開明決玉壘山以除水害帝遂委以政事法堯舜禪授之義遂禪位於開明帝封西山隱鳥時適二月子鵠鳥鳴故蜀人悲子鵠鳥鳴也巴亦化其教而力農務迄今巴蜀民農時先祀杜主君

開明位號曰叢帝叢帝生盧帝盧帝攻秦至雍生保子帝

帝攻青衣雄張獠犍九世有開明帝始立宗廟以

酒曰醴樂曰荆人尚赤帝稱王時蜀有五丁力士能移山舉萬鈞每王薨輒立大石長三丈重千鈞為墓志今石笋是也號曰笋里未有謚列但以五色為主故其廟稱青赤黑黃白帝也

開明王自夢廓移乃徙治成都

周顯王之世蜀王有褒漢之地因獵谷中與秦惠

王遇惠王以金二笥遺蜀王王報珍玩之物物

化為土惠王怒群臣賀曰天奉我矣王將得蜀

土地惠王喜乃作石牛五頭朝馮金其後

便金有養犀人蜀人悅之使使請石牛惠王

許之乃遣五丁迎石牛既不便金怒遣還之乃

嘲秦人曰東方牧犢兒秦人笑之曰吾雖牧犢

當得蜀也武都有一丈夫化為女子美而豔蓋

山精也蜀王納為妃不習水土欲去王必留之

乃為東平之歌以樂之無幾物故蜀王哀念之

乃遣五丁之武都擗土為妃作冢蓋地數畝高

七丈上有石鏡今成都北角武都糖是也後王悲

悼作史邪歌龍歸之曲其親埋作冢者皆立方

石以志其墓成都縣內有一方折石圍可六尺長三丈許去城北六十里曰毗橋亦有一折石亦如之長老傳言丁士檐土檐也公孫述時武檐石折故治中從事任文公歎曰噫西方智士死吾其應之歲中卒

周顯王二十二年蜀侯使朝秦秦惠王數以美女進蜀王感之故朝焉惠王知蜀王好色許嫁五女於蜀蜀遣五丁迎之還到梓潼見一大蛇入穴中一人攬其尾掣之不禁至五人相助大呼拽蛇山崩時墜殺五人及秦五女并將從而山分為五嶺直頂上有平石蜀王痛傷乃登之因命曰五婦冢山川平石上為望婦塚作思妻臺今其山或名五丁冢

蜀王別封弟葭萌於漢中號苴侯命其邑曰葭萌焉苴侯與巴王為好巴與蜀讎故蜀王怒伐苴侯苴侯奔巴求救於秦秦惠王方欲謀楚群臣議曰夫蜀西僻之國戎狄為隣不如伐楚司馬錯中尉田真黃曰蜀有桀紂之亂其國富饒得

其布帛金銀足給軍用水通於楚有巴之勁卒
浮大船舡以東向楚楚地可得得蜀則得楚楚
亡則天下并矣惠王曰善

周慎王五年秋秦大夫張儀司馬錯都尉墨等從
石牛道伐蜀蜀王自於葭萌拒之敗績王遯走
至武陽為秦軍所害其傅相及太子退至逢鄉
死於白鹿山開明氏遂亡凡王蜀十二世
冬十月蜀平司馬錯等因取首與巴焉

周赧王元年秦惠王封子通國為蜀侯以陳壯為
相置巴郡以張若為蜀國守戎伯尚強乃移秦
民萬家實之

三年分巴蜀置漢中郡

六年陳壯反殺蜀侯通國秦遣庶長甘茂張儀司
馬錯復伐蜀誅陳壯

七年封子恽為蜀侯司馬錯率巴蜀衆十萬大船
舡萬艘米六百萬斛浮江伐楚取商於之池為
黔中郡

五年惠王二十七年儀與若城成都周迴十二里

高七丈郾城周迴七里高六丈臨邛城周迴六
里高五丈造作下倉上皆有屋而置樓觀射蘭
成都縣本治赤里街一作蓮若徙置少城內城營廣府舍
置鹽鐵市官并長丞修整里閭市張列肆與咸
陽同制其築城取土去城十里因以養魚今萬
歲池是也惠王二十七年也
城北又有龍渠池城東有千秋池城西有柳池冬
夏不竭其園囿因之平陽山亦有池澤蜀之漁
畋之地也

赧王十四年蜀侯惲祭山川獻饋於秦孝文王惲
後母害其寵加毒以進王王將嘗之後母曰饋
從二千里來當試之王與近臣近臣即斃文王
大怒遣司馬錯賜惲劍使自裁惲懼夫婦自殺
秦誅其臣郎中令嬰等二十七人蜀人葬惲郭
外

十五年王封其子綰為蜀侯十七年間惲無罪冤
死使使迎喪入葬之郭內初則炎旱三月後又
霖雨七月車溺不得行喪車至城北門忽陷入

依此書與晉
蜀地法諱向

地中蜀人因名北門曰咸陽門為蜀侯惲立祠
其神有靈能興雲致雨水旱禱之

三十年疑蜀侯綰反王復誅之但置蜀守張若因
取筮及其江南地焉

周滅後秦孝文王以李冰為蜀守冰能知天文地
理謂汶山為天彭門乃至湔及縣見兩山對如
闕因號天彭闕髣髴若見神遂從水上立祠三
所祭用三牲珪璧沉瀆漢興數使使者祭之冰
乃壅江作壩穿郫江檢江別支流襲過郡下以
行舟舡岷山多梓栢大竹頽隨水流坐致林木
功省用饒又溉灌三郡開稻田於是蜀沃野千
里號為陸海旱則引水浸潤雨則杜塞水門故
記曰水旱從人不知饑饉時無荒年天下謂之
天府也外作石犀五頭以馱水精穿石犀溪於
江南命曰犀牛里後轉為耕牛二頭一在府市
市橋門今所謂石牛門是也一在淵中乃自
湔堰上分穿羊摩江灌江西於玉女房下自涉
郵作三石人立三水中與江神要水竭不至足

盛不沒肩時青衣有沫水出蒙山下伏行地中
會江南安觸山脇作爲山涸崖水脈漂疾破害舟舡歷
代患之冰炭卒鑿平涸崖通正水道或曰冰鑿
崖時水神怒冰乃操刀入水中與神鬪迄今蒙
福

焚道有故蜀王兵闌亦有神作大灘江中其崖漸
峻不可鑿乃積薪燒之故其處懸崖有赤白五
色

水又通笮通汶并江徑臨邛與蒙溪分水白水江
會武陽天社山下合江又導洛通山洛水或出
瀑口經什邛郫別江會新都大渡

又有綿水出紫巖山經綿竹入洛東流過資中會
江陽皆溉灌稻田膏潤稼穡是以蜀川人稱郫
繁曰膏腴綿洛為浸沃也

又識齊水脈穿廣都鹽井諸陂池蜀於是盛有養
生之饒焉

漢祖自漢中出三秦伐楚蕭何蒞蜀漢米萬舡而
給助軍糧收其精銳以補傷疾雖王有巴蜀南

中不賓也

高祖六年始分置廣漢郡

高后六年城夔道開青衣孝文帝末年以廬江文翁為蜀守穿渝江口溉灌繁田千七百頃是時世平道治民物阜康承秦之後學校陵夷俗好文刻翁乃立學選吏子弟就學遣儒士張叔等十八人東詣博士受七經還以授學徒鱗萃蜀學比於齊魯巴漢亦立文學孝景帝嘉之令天下郡國皆立文學因翁倡其教蜀為之始也

孝武帝皆徵入叔為博士叔明天文灾異始作春秋章句官至侍中揚州刺史

元光四年置蜀四部都尉

元鼎二年立成都十八郭於是郡縣多城觀矣

六年分廣漢置犍為郡

元封元年分犍為置犍為郡

二年分犍為置益州郡

六年以廣漢西部蜀南郡為越雋郡北部冉廩為

汶山郡邛笮為沉黎郡合置二十餘縣

天漢四年罷沉黎置兩部都尉一治旄牛主外羗
一治青衣主漢民

孝宣帝地節三年罷汶山郡置北部都尉
時又穿臨邛蒲江鹽井二十所增置鹽鐵官

蜀自漢興至乎哀平皇德隆熙牧守仁明宣德立
教風雅英偉之士命世挺生感於帝思於是璽
書交馳於斜谷之南玉帛戔戔乎梁益之鄉而
西秀彥盛或龍飛紫闥允陟璿璣或盤桓利居
經綸皓素故司馬相如耀文上京揚子雲齊聖
虞淵莊君平經德秉哲王子淵才高名雋李仲
元湛然岳立林翁孺訓誥玄遠何君公謨明弼
諧王延世著勲河平其次揚壯何顯得意之徒
恂恂焉斯蓋華岷之靈標江漢之精華也故益
州刺史王襄悅之命王褒作中和頌令胄子作
鹿鳴聲歌之以上孝宣帝帝曰此盛德之事朕
何以堪之即拜為郎

降及建武以後爰迄靈獻文化彌純道德彌臻趙
志伯三遷台衡子柔兄弟相繼元輔司空張公

宣融皇極太常仲經為天下材英廣陵太守張
文紀號天下整理武陵太守杜伯持能決天下
所疑王稚子震名華夏常茂尼流芳京尹其次
張俊秦宓英辨博通董扶楊厚究知天文任定
祖訓徒同風洙泗其孝悌則有姜詩感物寤靈
禽堅精動殊俗隗通石橫中流吳順赤烏來巢
其忠貞則王皓隕身不顧朱遵絆馬必死王累
懸頸州門張任守節故主其淑媛則有元常紀
常程玦及吳凡先絡郢之二姚毅氏兩女趙公
夫人自時厥後龍宗有鱗鳳集有異摶紳辟在
之儔比肩而進世載其美是以四方述作有志
者莫不仰其高風範其儀則擅名八區為世師
表矣其忠臣孝子烈士貞女不勝詠述雖魯之
詠洙泗齊之禮稷下未足尚也故漢徵八士蜀
有四焉然秦惠文始皇克定六國輒徙其豪俠
於蜀資我豐土家有鹽銅之利戶專山川之材
居給人足以富相尚故工商表致結駟連騎豪族
服王侯美衣娶嫁設大牢之厨饁歸女有百兩

之徒車送葬必高墳瓦椁祭奠而羊豕夕牲贈
祿兼加贈賻過禮此其所失原其由來染秦化
故也若卓王孫家僮千數程鄭各八百人而郤
公從禽巷無行人簫鼓歌吹擊鍾肆懸富侔公
室豪過田文漢家食貨以為稱首蓋亦地沃土
豐奢侈不期而至也

蜀郡州治屬縣五戶漢廿七萬晉六萬五千去洛
三千一百二十里東接廣漠北接汶山西接漢

嘉健為

州治大城一郡治少城西南兩江有

七橋直西門郫江中冲治橋西南石牛門曰市
橋下石犀所潛淵中也城南曰江橋南渡流曰
萬里橋西上曰夷里橋上里笮橋橋從冲治橋
西出圻曰長昇橋郫江上西有永平橋長老傳
言李冰造七橋上應七星故世祖謂吳漢曰安
軍置在七星間城北十里有昇僊橋有送客觀
司馬相如初入長安題市門曰不乘赤車駟馬
不過汝下也其郫西上有永平橋於是江衆多
作橋故蜀立里多以橋為名

其大江自湔堰下至犍為有五津始曰白華津二
曰里津三曰江首津四曰步頭津劉璋時召東
州民居此改曰東州頭五曰江南津入犍為有
漢安橋玉津東沮津津亦七

始文翁立文學精舍講堂作石室一作玉室在城
南永初後堂遇火太守陳留高朕更修立又增
造二石室州奪郡文學為州學郡更於夷里橋
南岷道東邊起文學有女塙其道西城故錦官
一錦江織錦濯其中則鮮明濯池江則不好故

命曰錦里也

西又有車官城一作車官其城東西南北皆有軍營壘城其
郡四出大道道實二十里有衢今言十八里者
昔蜀王女未嫁年二十亡王哀悼不忍言二十
故言十八也王女墓在城北今王女陌是也
其太守著德垂績者前漢莫聞建武以來有第五
倫廉范叔度特垂惠愛百姓歌之曰廉叔度來
何暮來時我草衣去時重五袴其後漢中趙瑄
自扶風太守來之郡司空張溫謂曰第五伯魚

從蜀郡為司空今掃五第以待足下瑤換廣漢
陳留高朕亦播文教太尉趙公初為九卿適子
甯還蜀朕命為文學撰鄉俗記亦能屈士如此
廣漢王商捷為揚洪皆見詠懷

及晉建西夷府太守多遷為西夷校尉亦遷益州
刺史

成都縣郡治有十二鄉五部尉漢戶七萬晉三萬
七千名難治時廣漢馮顯為令而太守京兆劉
宣不奉法免顯奏之立文學學徒八百人實戶

口萬八千開稻田百頃治有尤異後有廣漢劉
龐為令大姓恣縱諸趙倚公故多犯法濮陽太
守趙子真父子強橫龐治其罪莫不震肅郫民
陽伯侯奢侈太起冢營因厓為郫令伯侯遂徙
占成都厓復為成都豪右敬服 有蜀侯祠四
姓有柳杜張趙郭楊氏 富先有程鄭郫公後
有郭子平奢豪楊伯侯兄弟

郫縣郡西北六十里冠冕大姓何羅郭氏
繁縣郡北九十里有泉水稻田三張為甲族

江原縣郡西渡大江濱文井江去郡一百二十里
有青城山稱江祠

安漢上下朱邑出好麻黃潤細布有羗銅盛小亭
有好稻田 東方常氏為大姓文井上有守提
三十里土有天馬祠

臨邛縣郡西南二百里本有邛民秦始皇徙上郡
實之有布濮水從布濮來合火井江有火井夜
時光映上昭民欲其火光以家火投之頃許如
雷聲火焰出通耀數十里以竹筒盛其光藏之

可拽行終日不滅也井有二水取井火煮之一
斛水得五斛鹽家火煮之得無幾也有古石山
有石鑛大如蒜子火燒合之成流支鐵甚剛因
置鐵官有鐵祖廟祠漢文帝時以鐵銅賜侍郎
鄧通通假民卓王孫歲取千疋故王孫貨累巨
萬億鄧通錢亦盡天下王孫女文君能鼓琴時
有司馬長卿者臨邛令王吉與之遊王孫家文
君因奔長卿

漢世縣民陳立歷巴郡梓潼天水太守有異政陳

氏劉氏為大姓冠蓋也

廣都縣郡西三十里元朔二年置有鹽井漁田之饒大豪馮氏有魚池鹽井縣凡有小井十數所及漁田之饒江有魚漕梁山有鐵鑛江西有安稻田穿山崖過水二十里

漢時縣民朱辰字元燕為巴郡太守甚著德惠辰卒官郡獯民北送及墓獯蜚鼓刀辟踊感動路人於是葬所草木頃許皆倣之曲折迄今蜀人莫不歎辰之德靈為之感應今朱氏為首族也

成都市官本有長建武十八年省

蜀郡太康初屬王國改號曰成都內史王改封乃復舊

廣漢郡高帝六年置屬縣八漢戶十七萬晉四萬去洛三千里南去成都百二十里西接汶山北接梓潼東接巴郡本治繩鄉安帝永和中陰平漢中羗反元初二年移涪後治雒城王莽改曰新都公孫述名曰子同

益州以蜀郡廣漢犍為三蜀土地沃美人事俊乂

為一州稱望然漢選蜀郡廣漢太守每重得高
俊故前有趙護第五伯魚後有蔡陳表章禮物
殊於諸郡其太守著功德者有劉感孫賓蔡陳
寵伯魚自郡徑遷司徒寵亦至三公而殺諷日
睦鮮于定趙瑤皆公望也薛鴻輩卿佐也而許
靖亦為上公及何祗常闇皆有稱以慶州中
益州恒治此郡初平中益州牧劉焉自綿竹移
雒縣城築關門云其地不王乃留孫脩據之

建安十八年劉先主自涪攻圍且一年軍師龐統
中流矢死先主痛惜言則涕泣廣漢太守南陽
張存曰統雖可惜遠大雅之體先主怒曰統殺
身成仁非仁者乎即免存官

十九年拔雒城接襄陽馬良書詔諸葛亮曰承雒
城已下尊兄配業先國鬼兆見矣時州或治成
都時復治雒為蜀淵府口口

雒縣郡治沅鄉 有孝子姜詩田地宅姓族有鐔
李郭翟氏

綿竹縣劉焉初所治綿興雒各出稻稼畝收三十

斛有至十五斛漢時任安定祖以儒學教號俸
洙泗有多士秦杜為首族也

什邡縣山出好茶楊氏為大姓美田有鹽井

新都縣蜀以成都廣都新都為三都號名城有金

堂山水通於巴漢時五倉名萬安倉有棗魚梁

多名士有楊厚董扶又有四姓馬史汝鄭者也

五城縣郡東南有水通於巴漢時置五倉茲五縣

民尉部主之後因以為縣出龍骨云龍井其山

值天門閉不達墮死於此後沒地中故掘取得

龍骨

郫縣有山原田富國鹽井濮出好棗宜君山出麋

尾特好入貢大姓王李氏又有高馬家世常部

曲蜀時高勝馬秦皆叛伏誅

廣漢縣有山原田蜀時彭義存雋才晉世改號令

德故二姓為甲族也

德陽縣有青石祠山原肥沃有澤漁之利士女貞

孝望山樂水土地易為生事車騎將軍鄧芝雅

有終焉之思後遂葬其山太守夏侯慕時古濮

為功曹康古袁氏為四姓大族之甲者也
劉氏延熙中分廣漢四縣置東廣漢郡咸熙初省
秦始末又分置新都郡太康省末年又置蜀王
國蜀郡常璽為內史永嘉末省
捷為郡孝武建元六年置時治覽縣十二漢戶十
萬

覽故捷為地是也覽有捷山見保乾圖

武帝初欲開南中令蜀通夔青衣道是元年夔道
令通之費功無成百姓愁怨司馬相如諷諭之
使者唐蒙將南入以道不通執令將斬之令歎
曰忝官益土恨不見成都市蒙即令送成都市
而殺之蒙乃斬石通閣道故世為諺曰思都郵
斬令頭云後蒙為都尉治南夷道

元光五年郡移治南廣

四年益州刺史任安城武陽

孝昭元年郡治夔道後遂徙武陽至晉屬縣五戶
二萬去洛三千二百七十里東接江陽南接朱
提北接蜀郡西接廣漢王喬其北山彭祖家

其彭蒙白虎仁於廣德寶鼎見於江流
綏和五年又上寶磬十六劉向以為美化所降用
立辟雍而士多仁孝女性貞專王莽改曰西順
郡人不會更始都南陽遠奉貢職及公孫述有
蜀郡拒守述伐之郡功曹朱遵遂戰衆寡不敵
遵絆馬死戰遂為述所并而任君業閉戶費貽
素隱光武帝嘉之曰士大夫之郡也郡去成都
百五十里渡大江昔人作大橋曰漢安橋廣一
里半每秋夏水盛斷絕歲歲脩理百姓苦之
建安二十一年太守南陽李嚴乃鑿天社山尋江
通車道省橋梁三津吏民悅之嚴因更造起府
寺觀壯麗為一州勝宇

二十四年黃龍見武陽赤水九日蜀以劉氏瑞應
其太守漢興以來鮮有顯者

武陽縣郡治有王喬彭祖祠蒲江大堰灌郡下六
門有朱遵祠山出鐵及白玉持多大姓有七楊
五李諸姓十二也

南安縣郡東四百里治青衣江會縣既有名灘一

曰雷垣二曰鹽墘李冰所平也有柑橋官社漢有鹽井南安武陽皆出名茶多陂池西有熊耳南有峨眉山去縣八十里孔子地圖言有仙藥漢武帝遣使者祭之欲致其藥不能得有四姓能宣謝審五大族楊費又有信士呂孟貞紀至行也

夔道縣在南安東四百里扼郡百里高后六年城之治馬湖江會水通越雋本有夔人故秦紀言夔童之富漢民多漸斥徙之有荔支薑蒟濱江有兵欄李冰所燒之崖有五色赤白映水玄黃魚從楚來至此而止畏崖映水也有韓原素祠又有孝子隗通為母汲江齋水天為出平石生江中今石在馬湖江而孝子吳順養母赤烏巢其門崩容江出好磨石崩江多魚害民失在於徵巫好鬼妖大姓吳隗又有楚石薛相者牛鞞縣受新都江去郡三百里元鼎二年置相楊明鹽井程韓氏為冠蓋之族資中縣受牛鞞江也

江陽郡先有王延世著勲河平後有董鈞為漢定禮王董張趙為四族二縣在中多山田少種稻之地

本據為枝江都尉建安十八年置郡漢安程徵石謙白州牧劉璋求立郡璋聽之以都尉廣漢成存為太守屬縣四戶五千去洛四千八十里東接巴郡南接牂牁西接犍為北接廣漢有荔支巴菽桃枝蒟蒻給橙俗好文刻少儒學多樸野蓋天性也

有荔支巴菽
純枝蒟蒻橙
字與上文已
志序所補果
異名大同小

江陽縣郡治江雜會有方山蘭祠江中有大關小關季春黃龍堆沒關即平昔云世祖微時過江陽有一子望氣者曰江陽有貴兒氣王莽求之縣人殺之後世祖為子立祠謫江陽民不使冠帶者數世有富義鹽井又郡下百二十里者曰伯塗魚梁六伯氏女為塗氏婦造此梁四姓王孫程鄭八族又有魏趙先周也

漢安縣郡東五百里土地雖迫山水特美好宜蠶桑有鹽井魚池以百數家家有鳥一郡豐沃四

姓程石姚郭八族張季季趙輩而程石傑立郡
常秉議論選之

符縣郡東二百里元鼎二年置治安樂水會東接
巴蜀樂城南水通平羗蹇縣永建元年十二月
縣長趙祉遣吏先尼和拜檄巴蜀守過成瑞灘
死子賢求喪不得女終年二十五迺分金珠作
二錦囊繫兒頭下至二年二月十五日女終乃
乘小舡至父沒所哀哭自沉見夢告賢曰至一
十一日與父尸俱出至日父子浮出縣言郡太
守蕭登高之上尚書遣戶曹掾為之立碑人為
語曰符有先絡蹇道張帛求其夫天下無有其
偶者矣

新樂縣郡西二百八十里元康五年置西楚蹇道
有鹽井大姓魏呂氏

西見蹇道
字疑誤

汶山郡本蜀郡北部冉駝都尉孝武元封四年置
舊屬縣八戶二十五萬去洛三千四百六十三
里東接巴郡南接漢嘉西接梁州酒泉北接陰
平有六夷羗胡羗虜白蘭蝮九種之戎牛馬旄

氈斑蜀青頊髦毼羊段之屬特多雜藥名香土地剛鹵不宜五穀惟種麥而多冰寒盛夏凝凍不釋故夷人冬則避寒入蜀傭賃自食夏則避暑反落歲以為常故蜀人謂之作五百石子也宣帝地節元年武都白馬羗又使者駱武平之因拜越雋太守迎者如雲後蜀郡趙溫亦著治績故王莽遣任貴為鎮戎大尹守之自建武後數叛

章武三年越雋^高叟大帥高定元稱王恣睢遣都督

李承之然將軍梓潼焦璜破沒郡土丞相亮遣越雋太守龔祿任安上縣遙領太守安上去郡八百里有名而已

建興三年蜀安南將軍馬忠率越雋郡夷郡夷剛很皆鷓視忠率越雋太守張嶷將所領之郡誘殺蘇析邑君冬逢及其弟隗渠等懷集種落威信允著諸種漸服又斬斯都^郡耆帥李承之首乃手殺焦璜龔祿者也又討叛鄙降夷人安種落蠻夷率服嶷故以郡郭于頽更築小塢居之

備本記此段
此碑不可重
似當有常之
卜木系加整
似刻之

卷之三

延熙二年乃還舊郡更城郡城夷人男女莫不致
力興復七縣巖遷復後頗奸軌雖有四部斯兒
及七營軍不足回守乃置赤甲北軍二牙門及
斯兒督軍中堅衛夷徵印都縣郡治因印邑名
也印之初有七部後為七部營軍又有四部斯
兒南山出銅有溫泉穴冬夏熱其温可湯鷄豚
下流治疾病餘多惡水水神護之不可汙穢及
沈乳髮照而則使人被惡疾一郡通云然

登縣有涑水一曰白沙江入馬湖水山有磐石
火燒成鐵剛利禹貢厥賦砮是也又有漆漢末
夷皆有之巖取焉

闡縣故印人也印都接寒關今省

蘇示縣漢末夷王及弟隗渠數背叛以服諸種張
巖先殺王弟隗渠又叛遁入西徼遣親信二人
使巖巖知奸計以重賂使使殺渠渠死夷徼肅
清縣晉省

會無縣路通寧州渡瀘得住狼縣故濮人邑也今
有濮人家不閉戶其穴多有碧珠人不可取取

之不祥有天馬河馬日千里後死於蜀葬江原
小亭今天馬塚是也縣有天馬祠初民家馬牧
山下或產駿駒云天馬子也今其天馬徑厥迹
存焉河中有銅胎今以羊祀之可取河中見存
土地時產犀牛山色青瑤

大筰縣漢末省

定筰縣筰筰夷也夷山曰夷南中曰昆明漢嘉越
雋曰筰蜀曰邛皆夷種也縣在郡西渡瀘水賓
剛徼白摩沙夷有鹽池積薪以齊水灌而後焚
之成鹽漢末夷皆錮之張寔往爭夷帥岑槃木
明不肯服寔擒捷然之厚賞賜餘類皆安官迄
有之北沙河是

三縫縣一曰小會無音三播通道寧州渡瀘得蛸
蛉縣有長谷古時坪中有石豬子母數千頭長
老傳言夷昔牧豬於此一朝豬化為石迄今夷
不敢牧於此

卑水縣去郡三百里水流通馬湖

潛溪縣漢末置晉初省

安上縣 馬湖縣水通棧道入江晉省

右益州漢初統郡五後漸分建蜀郡及巴郡又分
為五郡廣漢漢中捷為為四郡又開益州五郡
合二十五郡及寧州梁州建復增七郡蜀於是
有州四十二郡一百九十六縣

州分後益州凡新舊郡九縣四十八戶夷晉二十
四萬

誤曰蜀之為邦天文井絡輝其上地理岷嶓鎮其
域五岳華山表其陽四瀆則汶江出其徵故上
聖則大禹生其鄉媾姁則黃帝婚其女顯族大
賢彭祖育其山列仙王喬升其岡而寶鼎輝光
於中流離龍仁虎躍乎淵陵開闢及漢國富民
殷府腐穀帛家蘊畜積雅頌之聲充塞天衢冲
穆之詠牟乎二南藩衍三州土廣萬里方之九
區於斯為盛固乾坤之靈圖先王之所經緯也

陽國志卷之四

晉散騎常侍導江常 璩道將撰

明姑孰古繁李一公閣生甫考訂

滇昆明 苗裔昌心印甫

關中 胡希舜願玄甫

雲間 朱長芳幼馨甫

楚晴川 王 袵章甫父

南州 李曰輔元卿甫全梓

關中後學胡廷器今素甫
成都後學賀登麻南之甫 校

南中志

寧州晉泰始六年初置蜀之南中諸郡庠降都督治也南中在昔蓋夷越之地滇濮句町夜郎葉榆桐師雋唐侯王國以十數編髮左衽隨俗遷徙莫能相雄長周之季世楚威王遣將軍莊躡泝沅水出且蘭以伐夜郎植梓柯繫舡於是且蘭既尅夜郎又降而秦奪楚黔中地無路得反遂留王滇池躡楚莊王苗裔也以梓柯繫舡因名且蘭為梓柯國分侯支黨傳數百年秦並蜀通五尺道置吏主之漢興遂不賓有竹王者

興於遯水有一女子浣於水濱有三節大竹流入女子足間推之不肯去聞有兒聲取持歸破之得一男兒長養有才武遂雄夷狄氏以竹為姓捐所破竹於野成竹林今竹王祠竹林是也王與從人嘗止大石上命作羹從者曰無水王以劔擊石水出今王水是也破石存焉後漸駭恣武帝使張騫至大夏國見印竹蜀布問所從來曰吾賈人從身毒國得之身毒國蜀之西國今永昌是也騫以白帝東越攻南越大行王恢

救之恢使番禺陽令唐蒙曉諭南越南越人食有
蒟醬蒙問所從曰牂牁來蒙亦以白帝因上書
曰南越地東西萬里名為外臣實一州主今以
長沙豫章往來道多絕難行竊聞夜郎精兵可
得十萬若從番禺浮舡牂牁出其不意此制越
之一奇也可通夜郎道為置吏主之帝乃拜蒙
中郎將蒞巴蜀兵千人奉幣帛見夜郎侯喻以
威德為置吏旁小邑皆貪漢繒帛以為道遠漢
終不能有也故皆且聽命 司馬相如亦言

後文在本傳

戎印笮蜀之後園可置為郡帝既感印竹又目
蒟醬乃拜為中郎將往喻意皆聽命 後西
南夷數反蒞運興役費甚多相如知其不易也
乃假巴蜀之論以諷帝且以宣指使於百姓卒
開焚門道通南中相如持節開越雋按道侯韓
說開益州武帝轉拜唐蒙為都尉開牂牁以重
幣喻告諸種侯王侯王服從因斬竹王置牂牁
郡以吳霸為太守及置越雋朱提益州四郡後
夷濮阻城威怒訴竹王非血氣所生求立後嗣

霸表討其三子列侯死配食父祠今竹王三郎神是也

昭帝始元元年益州廉頭姑繒等二十四縣民反水衡都尉呂破奴募吏民及犍犍為蜀郡奔命擊破之後三歲姑繒復反都尉呂辟胡擊之敗績明年遣大鴻臚田廣明等大破之斬首捕虜五萬人獲畜產十萬餘頭富埒中國封其渠帥亡波為鉤町王以助擊反者故也廣明賜爵邑成帝時夜郎王興與鉤町王禹漏卧侯俞更相攻擊帝使大中大夫張匡持節和解之鉤町夜郎王不服乃刻木作漢使射之大將軍王鳳薦金城司馬蜀郡陳立為牂牁太守阿霸為中郎將出益州立既到郡單至夜郎召興與興邑君數千人來見立立責數斬興邑君皆悅服興妻父翁指與興子耻復反立討之威震南裔

平帝末梓潼文齊為益州太守公孫述時拒郡不服光武稱帝以南中有義

益州西部金銀寶貨之地居其官者皆富及十世

孝明帝初廣漢鄭純獨尚清廉毫毛不犯夷漢歌詠表薦無數上自三司下及卿士莫不歎賞明帝嘉之因以為永昌郡拜純太守

章帝時蜀郡王阜為益州太守治化尤異神馬四匹出滇池河中甘露降白鳥見始興文學漸遷其俗

安帝永初中漢中陰平廣漢羗反征戰連年

元初四年益州永昌越雋諸夷封離等反衆十餘萬多所殘破益州刺史張喬遣從事蜀郡楊廣將兵討之竦先以詔書告喻告喻不從方畧將討凡殺虜三萬餘人獲生口千五百人財物四十餘萬降赦夷三十六種舉劾姦貪長吏九十人黃綬六十人諸郡皆平竦以傷死故功不錄自是後少寧五十餘年

迄靈帝熹平中蠻夷復反擁沒益州太守雍陟遣御史中丞朱龜將并涼勁兵討之不克朝議不能征欲依朱崖故事棄之太尉掾巴郡李暉獻陳方策以為可討帝乃拜顯益州太守與刺史

龐芝伐之徵龜還顯將巴郡板楯軍討之皆破
陟得生出後復更叛梓潼景毅為益州太守承
喪亂後民夷困餓米一斗千錢皆離散毅至安
集後米一斗八錢

建安十九年劉先主定蜀遣安遠將軍南郡鄧方
以朱提太守庾降都督治南昌縣輕財果毅夷
漢敬其威信方為先主問代於治中從事建寧
李恢對曰西零之役趙克國有言莫若老臣先
主遂用恢為都督治平夷縣先主薨後越雋叟

帥高定元殺郡將軍焦璜舉郡稱王以叛益州

大姓雍闓亦殺太守正昂更正昂以蜀郡張裔為太

守闓假鬼教曰張裔府君如瓠壺外雖澤而內

實麤殺之不可縛與吳於是執送裔於吳吳王

孫權遙用闓為永昌太守遣故劉璋子闡為益

州刺史處交益州際牂牁郡丞朱提朱褒領太

守恣睢丞相諸葛亮以初遭大喪未便加兵遣

越雋太守巴西龔祿住安上縣遙領郡從事蜀

郡常頌行部南入以都護李嚴書曉諭闓闓吞

曰愚聞天無二日土無二主今天下派今正朔有三遠人惶惑不知所歸其傲慢如此願至牂牁收郡主簿考訊姦褒因然願為乳益州夷復不從閩閩使達寧孟獲說夷叟曰官欲得烏狗三百頭膺前盡黑縹腦三斗斲木構三丈者三千枚汝能得不夷以為然皆從閩斲木堅剛性委曲高不至二丈故獲以欺夷

建興三年春亮南征自安上由水路入越雋別遣馬忠伐牂牁李恢向益州以捷為太守廣漢王士為益州太守高定元自旄牛定笮卑水多為壘守亮欲俟定元軍眾集合并討之軍卑水定元部曲殺雍闓及士庶等孟獲代闓為主亮既斬定元而馬忠破牂牁李恢敗於南中

夏五月亮渡瀘進征益州生虜孟獲置軍中問曰我軍如何獲對曰恨不相知公易勝耳亮以方務在北而南中好叛乳宜窮其詐乃赦獲使還合軍更戰凡七虜七赦獲等心服夷漢亦思反善亮復問獲獲對曰明公天威也邊民長不為

惡矣秋遂平四郡改益州為建寧以李恢為太守加安漢將軍領交州刺史移治味縣

分建寧越雋置雲南郡以呂凱為太守

又分建寧牂牁置興古郡以馬忠為牂牁太守移南中勁卒青羗萬餘家於蜀為五部無當無前軍號飛關分其羸弱配大姓焦雍婁爨孟量毛李為部曲置五部都尉號五子故南人言四姓五子也以夷多剛狠不賓大姓富豪乃勸令出金帛聘策惡夷為家部曲得多者奕世襲官於是夷人貪貨物以漸服屬於漢成夷漢部曲亮收其俊傑建寧爨習朱提孟琰及獲為官屬習官至領軍琰輔漢將軍獲御史中丞出其金銀丹漆耕牛戰馬給軍國之用都督常重用人李恢卒後以蜀郡太守捷為張翼為都督翼持法嚴不得殊俗和夷帥劉胄反徵翼以馬忠為代忠未至翼修攻戰方略資儲羣下懼翼曰吾方臨戰場豈可以縑退之故廢公家之務乎忠至承以滅胄蜀賜翼爵關內侯忠在南柔遠能

邇甚垂惠愛官至鎮南大將軍卒後南人為之立祠水旱禱之以蜀郡張表為代加安南將軍又以捷為揚義為參軍副貳之表後以南郡閻宇為都督南郡霍弋為參軍弋甚善參毗之禮遂代宇為監軍安南將軍撫和異俗為之立法施教輕重允當夷晉安之

及晉世因仍其任時交阯不附假弋節遙領交州刺史得以便宜選用長吏今官和解夷人及適罰之皆依弋故事弋卒子在龔領其兵和諸姓晉以巴西太守吳靜在官數年撫卹失和軍司鮮于嬰表徵靜還因代之

泰始六年以益州大分南中四郡為寧州嬰為刺史

咸寧五年尚書令衛瓘奏兼并州郡

太康三年罷寧州置南夷以天水李毅為校尉持節統兵鎮南中統五十八部夷族都監行事每夷供貢南夷府入牛金旃馬動以萬計皆豫作忿意致校尉官屬其供郡縣亦然南人以為饒

自四姓子弟仕進必先經都監夷人大種曰昆
小種曰叟皆曲頭木耳環鐵裹結無大侯王如
汶山漢嘉夷也夷中有祭點能言議屈服種人
者謂之耆老便為主論議好譬喻物謂之夷經
今南人言論雖學者亦半引夷經與夷為姓曰
遑耶諸姓為自有耶世亂犯法輒依之藏匿或
曰有為官所法夷或為執仇與夷至厚者謂之
百世遑耶恩若骨肉為其逋逃之藪故南人輕
為禡變恃此也其俗徵巫鬼好詛盟投石結草
官常以盟詛要之諸葛亮乃為夷作圖譜先畫
天地日月君長城府次畫神龍龍生夷及牛馬
羊後畫部主吏乘馬幡蓋巡行安邱又畫牽牛
負酒齎金寶詣之之象以賜夷夷甚重之許致
生口直又與瑞錦鐵券今皆存每刺史校尉至
齋以呈詣動亦如之

毅後永昌呂祥為校尉祥後數人李廣漢從雲南
捷為郡守為校尉久之建寧太守巴西杜俊朱
提太守梓潼雍約懦鈍無治政以賄成俊奪大

姓鐵官令毛詵中郎李叡部曲致詵弟耐罪朱
提大姓大中大夫李猛有才幹弟為功曹分當
察舉而俊約受都尉雷逢賂舉逢子炤孝廉不
禮猛等怨之

太安元年秋詵叡猛逐俊以叛猛貽之書曰昔魯
侯失道季氏出之天之愛民君師所治知足下
追踵古人見賢思齊足下箕帚枉慚吾郡亦逐
約應之作亂眾數萬毅討破之斬詵首叡走依
遑耶丘蔡夷帥于陵承猛箋降曰生長遐荒不
達禮教徒與李雄和光合勢雖不能營師五丈
略地渭濱冀北斷褒斜東據永安退考靈符晉
德長久誠非狂夫所能干輒表革面歸罪有司
毅惡其言遂誘殺之

郡永昌從事江陽孫辨上南中形勢七郡斗絕晉
弱夷強加其土人屬塞應復寧州以相鎮慰冬
十一月丙戌詔書復置寧州增統牂牁益州朱
提合七郡為刺史加龍驤將軍進封成都縣侯
二年于陵承詒毅請恕叡罪毅許之叡至群下以

為詵散破乳州上必殺之毅不得已許諾及散
死于陵承及詵猛違耶怒扇勸謀反奉建寧太
守巴西馬恢為刺史燒郡偽蒞毅方疾作力出
軍初以救恢及聞其情乃殺恢夷愈強盛敗壞
郡縣役吏民會毅疾甚軍連不利晉民或入交
州或入永昌亦亦併梓柯半亦為夷所困虜夷因攻圍
州城毅但病力固孤城病篤不能戰討時李特
李雄作乳益州而所在有事救援莫至毅上疏
陳謝不能式遏寇讐疾與事遇使虜遊魂兵起
既單器械窮盡而求救無望坐待殄斃若必不
垂矜憂乞請大使及臣尚存加臣重罪若臣已
死陳屍為戮積四年

光熙元年春三月毅薨子釗任洛還赴到梓柯路
塞停任交州文武以毅女秀明達有父才遂奉
領州事秀初適漢嘉太守廣漢王載載將家避
地在南故共推之又以載領南夷龍驤參軍秀
獎勵戰討食糧已盡人但樵草炙鼠為命秀伺
夷怠緩輒出軍掩破首尾三年釗乃得達丁喪

文武復逼剗領州府事毅故吏毛孟等詣洛求
救至欲自刎懷帝乃下交州使救助之以剗為
平寇將軍領南夷護軍遣御史趙濤贈毅少府
謚曰威武侯交州刺史吾彥遣子威遠將軍咨以
援之朝廷以廣漢太守魏興王遜為南夷校尉
寧州刺史代毅自永嘉元年受除四年乃至遙
舉建寧董敏為秀才郡久無太守功曹周悅行
郡事輕敏不下其板遜至怒殺悅悅弟秦臧長
周昂合夷叟謀以趙濤父混音為建寧有德惠
欲殺遜樹濤遜誅之并殺濤夷晉莫不惶懼表
剗為朱提太守治南廣禦雄時荒亂後倉無斗
粟衆無一旅官民虛竭繩紀弛廢遜惡衣菜食
招集夷民夷徼獸亂漸亦近善勞來不怠數年
克復以五茶夷昔為亂首圖討之未有致罪會
夷發夜即控王墓遜因此遂討滅之及討惡獠
剛夷數千落威震南方官至平西安南將軍又
兼益州刺史加散騎常侍封褒中伯而嚴猛太
過多所誅鋤捷為太守朱提雷炤流民陰貢平

樂太守董霸破样柯平夷南廣北降李雄建寧
慶量與益州太守李暹梁水太守董懂保興古
槃南以叛雄遣叔父驤破越雋伐寧州暹使使
督護雲南姚岳距驤於螳螂縣暹拍授雖大
破驤不獲

太興四年暹疾病薨州人推中子堅領州事

永昌元年晉朝更用零陵太守南陽尹奉為寧州
刺史南夷校尉加安西將軍奉威刑緩鈍政治
不理

咸和八年遂為雄弟壽所破獲南中盡為雄所有
惟样柯謝恕不為壽所用 遂保郡

獨為晉官至撫夷中郎將寧州刺史冠軍是歲
咸和八年也

样柯郡漢武帝元鼎二年開屬縣漢十七戶六萬
及晉縣四戶五千去洛五千六百一十里郡上
值天井故多雨潦俗好鬼巫多禁忌畚山為田
無蠶桑頰尚學書少威儀接多懦怯寡畜產雖有
僮僕方諸郡為貧王莽更名样柯曰同亭郡不

服會公孫述時三蜀大姓龍傅尹董氏與功曹
謝暹保郡聞漢世祖在河北乃遠使使由番禺
江出奉貢漢朝世祖嘉之號為義郎

明章之世母歛人尹珍字道真以生遐裔未漸庠
序乃遠從汝南許叔重受五經入師事應世叔
學圖緯通三才還以教授於是南域始有學焉
珍以經術選用歷尚書丞即荊州刺史而世叔
為司隸校尉師生並顯平夷傅寶夜郎尹貢亦
有名德歷尚書郎長安令巴郡太守彭城相號
南州人士郡特多阻嶮有延江霧赤寒冰為池
衛少有亂惟朱褒見誅其郡守垂功名者前有
吳霸陳立後有漢中張亮則廣漢劉寵犍為費
詩巴西馬忠皆著勲烈

晉元帝世太守建寧孟才以驕暴無恩郡民王清
范朗遂出之刺史王遜怒分斃半為平夷郡夜
郎以南為夜郎郡四縣

萬壽縣郡治有萬壽山沮本有鹽井漢末時夷民
共詛盟不開今三郡皆無鹽

且蘭縣音沮漢曰故且蘭有柱蒲關也

廣談縣

毋歛縣有剛火

平夷郡晉元帝建武元年置屬縣二戶千

平夷縣郡治有砭津安樂水山出茶蜜

鬻縣故犍為郡城也不狼山出鬻水入沅有野生

薛可食大姓王氏

夜郎郡夜郎國也屬縣二戶千

夜郎縣郡治有逝水通廣鬱林有竹王三郎祠甚

有靈響也

談指縣

晉寧郡本益州也元鼎初屬牂牁越雋漢武帝元

封二年叟反遣將軍郭昌討平之因開為郡治

滇池上號曰益州漢屬縣二十四戶二十萬晉

縣七戶萬去洛五千六百里司馬相如韓說初

開得牛馬羊屬三十萬漢乃募徙死罪及奸豪

實之郡土大平敞原田多長松臯有鸚鵡孔雀

鹽池田漁之饒金銀畜產之富俗奢豪難撫御

惟文齊王阜景毅李顥及南郡董和為之防檢
後遂為善蜀建興三年丞相亮之南征以郡民
李恢為太守改曰建寧治味縣寧州別建為益
州郡後太守李暹恢孫也與前太守董僅建寧
麴量共叛寧州刺史王遜表改益州為晉寧郡
滇池縣郡治故滇國也有澤水週迴二百里所出
深廣下流淺狹如倒流故曰滇池長老傳言池
中有神馬或交馬即生駿馬俗稱之曰滇池駒
日行五百里水神祠祀亦有溫泉如越巂溫水
又有白蜃山山無石惟有蜃也

同勞縣

同安縣

連然縣有鹽泉南中共仰之

建令縣

毋單縣

秦臧縣

建寧郡治故庾降都督屯也南人謂之屯下屬縣
晉太安二年分為益州平樂二郡合縣十三戶

萬去洛五千六百三十九里有五部都尉四姓及霍家部曲

味縣郡治 有明月社夷晉不奉官則官與共盟於此社也

升麻縣 山出好升麻有塗水

同樂縣 大姓囊氏

穀昌縣 漢武帝將軍郭昌討夷平之因名郭昌以威夷孝章時改為穀昌也

同瀨縣

雙栢縣

存駝縣 雍閩反結壘於縣山繫馬柳柱生成林今夷言無雍梁夷言馬也

昆澤縣

漏江縣 九十里出鱣口

談豪縣 有濮獠

伶丘縣 主獠

脩雲縣

新定縣

另起

平樂郡元帝建興元年刺史割建寧新定興遷二縣新立平樂三沮二縣合四縣為郡後太守建寧董霸叛降李雄郡縣遂省寧州北屬雄復為郡以朱提李壯為太守朱提郡本犍為南部孝武帝元封二年置屬縣四建武後省為犍為屬國至建安二十年鄧方為都尉先主因易名太守屬縣五戶八千去洛五千三百里先有梓潼文齊初為屬國穿龍池溉稻田為民興利亦為立祠大姓朱魯雷興仇適高李亦有部曲其民好學濱犍為號多士人為寧州冠冕

朱提縣郡治

堂螂縣 因山名也出銀鉛白銅雜藥有堂螂附子

南恭縣 自犍道南廣有八亭道通平夷

漢陽縣有漢水入延江

南昌縣 故都督治有鄧安遠城也

南廣郡蜀延熙中置以蜀郡常竺為太守蜀朝召竺入為侍中巴西令狐衷代之

建武元年省 元帝世刺史王遜移朱提治郡南
廣太守李釗毀破雄殺賊大將樂初後刺史尹
奉却郡還舊治及雄定寧州復置郡以興古太
守朱提李播為太守屬縣四戶千自棘道至朱
提有水部道水道有黑水及羊官水至險難行
步道度二津亦艱阻故行人為語曰猶溪赤木
盤蛇七曲盤羊烏櫛氣與天通看都濩泚住柱
呼月庖降賈子左儋七里又有牛叩頭馬搏坂
其險如此土地無稻曰蠶桑多蛇蛭虎狼俗妖

巫惑禁忌多神祠

南廣縣郡治漢武帝太初元年置有鹽官

臨利縣

常遷縣

新興縣

永昌郡古哀牢國哀牢山名也其先有一婦人名

曰沙壺後漢作沙壺依哀牢山下居以捕魚自給忽於水中

觸一沉木遂感而有娠度十月產子男十人後

沉木化為龍出謂沙壺曰若為我生子今在平

而九子驚走惟一小子不能去陪龍坐龍就而
舐之沙壺與言語以龍與陪坐因名曰元隆猶
漢言陪坐也沙壺將元隆居龍山下元隆長大
才武後九兄曰元隆能與龍言而點有智天所
貴也共推以為王時哀牢山下復有一夫一婦
產十女元隆兄弟妻之由是始有人民皆象之
衣後着十尾臂脛刻文元隆死世世相繼分置
小王往往邑居散在溪谷絕域荒外山川阻深
生民以來未嘗通中國也南中昆明祖之故諸
葛亮為其國譜也

孝武時通博南山度蘭滄水濬谿置雋唐不韋二
縣後南越相呂嘉子孫宗族實之因名不韋以
章其先人惡行人歌之曰漢德廣開不賓度博
南越蘭津渡蘭滄為他人度蘭滄水以取哀牢
地哀牢轉衰至世祖建武二十三年王扈栗遣
兵乘箄舡而攻鹿多鹿多民弱小將為所禽會
天大震雷疾風暴雨水為逆流箄舡沉沒溺死
者數千人後扈栗復遣六王攻鹿多鹿多王迎

戰大破哀牢軍殺其六王哀牢人埋六王夜虎
掘而食之哀牢人驚怖引去扈粟懼謂諸耆老
曰哀牢略徼自古以來初不如此今攻鹿多輒
被天誅中國有受命之王乎是何天祐之明也
漢威甚神即遣使詣越雋太守願帥種人歸義
奉貢世祖納之以為西部屬國其地東西三千
里南北四千六百里有穿冑儋耳種閩越濮鳩
獠其渠帥皆曰王

孝明帝永平十二年哀牢押狼遣子奉獻 明帝

乃置郡以蜀郡鄭純為太守屬縣八戶六
洛六千九百里寧州之極西南也有閩濮鳩
獠越躡濮身毒之民土地沃腴黃金珠虎魄
翡翠孔雀犀象蠶桑綿絹采帛文繡又有貊獸
食鐵猩猩獸能言其血可以染朱罽有大竹名
濮竹節相去一丈受一斛許有梧桐木其華柔
如絲民績以為布幅廣五尺以還潔白不受汗
俗名曰桐華布以覆亡人然後服之及賣與人
有蘭干細布蘭干獠言紵也織成文如縷錦又

有蜀旄帛疊水精琉璃軻蟲蚌珠宜五穀出銅錫

太守著名績者自鄭純後有蜀郡張化常有巴郡沈雅黎虎然顯者猶鮮

章武初郡無太守值諸郡叛亂功曹呂凱奉郡丞蜀郡王伉保境

六年丞相亮南征高其義表曰不意永昌風俗乃爾以凱為雲南太守伉為永昌太守皆封亭侯李恢遷濮民數千落于雲南建寧界以實二郡

凱子祥太康中獻光珠五百斤還臨本郡遷南夷校尉祥子元康末為永昌太守值南夷作亂閩濮反乃南移永壽去故郡千里遂與州隔絕呂氏世官領郡於今三世矣大姓陳趙謝楊氏不韋縣故郡治

比蘇縣

哀牢縣

永壽縣今郡治

雋唐縣有雋水從徼外來

雍卿縣

南里縣

有翡翠孔雀

博南縣

山高四十里越之得蘭滄水有金沙以

火融之為黃金有光珠穴出光珠有虎魄能吸
芥又有珊瑚

雲南郡蜀建興三年置屬縣七戶萬去洛六千三
百四十三里本雲川地有點倉山上有神鹿一
身兩頭食毒草有上方下方夷亦出華布孔雀
常以二月來翔月餘而去土地有稻田畜牧但

不糝桑

雲南縣郡治

葉榆縣有河洲

遂久縣有繩水也

美棟縣有無血水

蜻蛉縣有鹽官濮水同出山有瑤鷄金馬光景倏

忽民多見之有山神漢宣帝遣諫議大夫蜀郡

王褒祭之欲致鷄馬褒道病卒故不宣著

其縣二別為郡

河陽郡刺史王遜分雲南置屬縣四戶千
河陽縣郡治在河中源洲上也

梁水郡刺史王遜分置在興古之盤南

梁水縣郡治有振山出銅

賁古縣山出銀鉛銅鐵

西隨縣

興古郡建興三年置屬縣十一戶四萬去洛五千

八百九十里 多鳩獠濮特有瘴氣自梁水興

古西平三郡少穀有枕柳木可以作麵以牛酥

酪食之人民資以為糧欲取其木先當祠祀

溫縣郡治 元鼎二年置

津高縣西有石空山出錫東南有盤町山出錫

鐔封縣有溫水

句町縣故句町王國名也其置自濮王姓毋漢時

受封迄今

漢興縣

勝休縣有河水

唐都縣故名雲夢縣

西平郡刺史王遜時爨量保盤南遜出軍攻討不能克及遜薨後寇掠州下吏民患之刺史尹奉重募徼外夷刺殺量而誘降李邊盤南平奉以功進安西將軍封遷陵伯乃割興古雲南之盤江來如南零三縣為郡

右寧州統郡十四縣六十八

咸熙元年吳交趾郡吏呂興殺太守孫靖內附魏魏拜興安南將軍時南中監軍霍弋表遣建寧爨谷為交趾太守率牙門將軍建寧董元毛吳孟幹孟通爨熊李松王素等領部曲以討之谷未至興已為功曹李統所殺

泰始元年谷等徑至郡撫和初附無幾谷卒晉更用馬忠子融代谷融卒遣犍為楊稷代之加綏遠將軍又進諸牙門皆雜號將軍封吳侯交州刺史劉峻大都督脩則領軍三攻稷皆為稷所敗鬱林九真皆附稷稷表遣將軍毛吳董元等攻合浦戰于古城大破吳軍殺峻則稷因表吳為鬱林太守元為九真太守元病亡更以益州

王素代之覈攻交州諸郡

泰始七年春吳王孫皓遣大都督薛珣交州刺史陶璜卽二十萬軍與扶嚴惡夷合十萬伐交趾稷遣昱及將軍建寧孟岳等禦之戰于封溪衆寡不敵昱等敗績僅以身還交趾固城自守破敗之後衆裁千人並新附可有四千男女萬餘口陶璜圍之杜塞蹊徑救援不至雖班糧約食猶不供繼至秋七月城中食盡病餓死者大半交趾人廣野將軍王約反應陶璜以梯援外吳人遂得入城得稷等皆囚之卽斬稷長史張登將軍孟通及昱并交趾人邵暉等二千餘人受皓詔傳稷秣陵故桔稷及孟幹麋熊李松四人于吳通四遠消息稷至合浦疾病毆血死傳首秣陵棄其屍喪於海幹松熊至吳將加斬刑或說皓宥免幹等可以勸邊將皓原之欲徙付臨海郡初稷等私誓不能死節困辱虜手若蒙未死不當思求北歸稷既路死幹等恐北路轉遠以吳人愛蜀側竹弓弩言能作之皓轉付部為

弓工

九年幹自吳逃返洛陽松熊為皓所殺

初晉武帝以稷為交州刺史大封半道稷城陷或
傳降故不錄幹至表狀乃追贈交州刺史封松
熊後嗣侯焉 古城之戰毛吳手殺脩則則子
允隨陶璜璜以吳壯勇欲赦之而允必欲求殺
吳吳亦不屈於璜璜怒乃裸身囚結面縛呵曰
晉兵賊吳亦烈聲呵曰吳狗何等為賊吳人生
割其腹允割其肝罵曰虜腹吳罵不斷曰尚欲
斬汝孫皓汝父何死狗也吳人斬之武帝聞而
矜哀即詔吳子襲爵封諸子三人關內侯九真
太守王素以交趾敗與董元牙門王承等欲還
南中為陶璜別將衛濩所獲功曹李祚見交趾
民殘害還逐率吏民保郡為晉祚舅黎晃為吳
將攻代祚不下數遣人解喻降之祚答曰曷自
吳將祚自晉臣惟力是視矣

邵暉子胤先為父使詣洛拜奉車都尉比還暉敗
亡胤依祚固守求救南中南中遙為之援諸姓

得世有部曲弋遣之南征因以功相承也

譔曰南域處邛笮五夷之表不毛閩濮之鄉固九服之外也而能開土列郡爰建方州踰博南越蘭滄遠撫西垂漢武之迹可謂大業然要荒之俗不與華同安邊撫遠務在得才故高祖思猛士作歌孝文想頌牧咨嗟斯靜禦之將信王者所詳擇也馬霍王尹得失之際足以觀矣交趾

雖異州部事連南中故并志焉

華陽國志卷之四